



Tuhaqtitauyukhaq

Qilamik Tuhaqtidjutikhaq

Ministat katimahuirutaat qitqani ukiumi katimadjutit

IQALUIT, Nunavut (Aptilirvia 9, 2019) – Nunavunmi ministat iniqtiqtaat inmi qitqani ukiumi katimadjutitik Arviani kingulirmi havainirmi, nutsanguq hugit tautuktuumiyaaqtatik uvalu pinahuarutitik nakuunikkut atulirniagut haffuma *Turaaqtavut*.

“Uvagut atauhiuyugut katimayit, naunaitunik tikinahuartunik uvalu hakugiktumik ihunaliurnirmik Nunavunmun. Qanikliyuq qitqanun piqidjutinun, aghuurutigiblugit kiunautit piyaangini Kavamatkut Nunavunmi piyaangini tikinahuartit pitquidjutinun,” uqaqtuq hivuliqti Joe Savikataaq. “Kingvani ihuangnikkut malruk ubluk, kitunun atugahaniktugut hivumuuriami uvalu iniriangini havaaghavut ikayuutikhat tamainun Nunavunmiunun.”

Anginiqhat qanuginiit katimadjutini ilauyut atugahat hapkununga:

- Havaklugit Nunavunmi Uyaraqhiutinun Ilihidjutit Kangiqlinirmi, havaqatigilugit uyarakhiuqtit iligiit aviktuqhimayumi.
- Tiguaqhimalugu Inuit havaaghanun tamainun kavamatkuni havagviit amigaiquyumilugit qaffiuniit tikuaqtauhimayut hivituyumik havaktughat.
- Pihimalugit Maniktigut Ikayuutit Nunavunmi Ilihaqtut utiriangini Iliniaqtuliqiinun, ikayuutikhat inuuhita taminun iliharnirit.
- Nutsanguqtirlugit havaqatigiingnirit aviktungniinun, aviktuqhimayunun uvalu nunaquyumi Inuit katimayit hakugikhiyuumiqtilugu upalungaiyautit tuhhaadjutikhat nipiptingnun.
- Nuutiqlugit Iqalukhiuqtit uvalu Nattiqhiuqtit havagviit hapkununga Avatiliqiinin hpakununga Pivalliajuliqijitkut Ingilrajuliqijikkutlu ihuaqhiyuumiaqlugit ikayuutit ihuangnikhainun havagviit piyaangnirit.
- Ilaumatigiiklutik ihuangnikkut uvalu katimaqataaqlutik nutsaat kanatap kavamait tunihyaangini Nunavunmiunun aadjikiiktunik atuqtauyunik uvalu piyakhanik Kanatamiunun nunamingni.

“Pidjutigiblugit ministanun, ilituripkarumayatka Nunavunmiun ihuaqtumik aulaliqtugut uvalu uqariiqhimayugut angiklivallianiranun uvalu pivallianirmun aviktuqhimayumi. Hiauliuyakhavut atuinaqtuq nakuunikkut uvalu inuuhiqatttiarnikkut inungnun.

Ihuaqhiyumiraruaqhugit kivgaqtuutit uvalu pinahuarutit tuniyavut, uvalu tunilugit Nunavunmiun piyakhanik inuuhimaaringini,” uqaqtuq Hivuliqti Savikataaq.

###

Tuhaqtipkainikkuq Uqaqvigijakhaq:

Cate Macleod
Taigualiuqtiinni Titiraqtia
Havagvia Hivuliqti Savikataaq
867-975-5059
867-222-5763
cmacleod@gov.nu.ca

ᐱᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ ᕐᕋᕐᕋᕐ, www.gov.nu.ca.
News releases are available in Inuktitut, English, Inuinnaqtun and French on www.gov.nu.ca.
Tuhaqtaghat ittut Inuktitut, Qablunaatut, Inuinnaqtun Uviititullu talvani www.gov.nu.ca.
Les communiqués de presse sont disponibles en inuktitut, en anglais, en inuinnaqtun et en français au www.gov.nu.ca.